

日本田中內閣侵略滿蒙之積極政策

田中此書，神人共憤。但願愛國同胞，閱後翻印，廣爲傳播。最低限度，亦應讀完全文，將原書轉贈親友。倘能照此做去，定卜多子多孫，福壽綿綿。否則，家破人亡，死無葬身之地。勿謂國之興亡，毋預匹夫事也。

生死關頭  
不可不看

**注 意**

附郵票五分可索取本書一冊  
如欲翻印每百冊祇須洋四元

**版存上海新聲通信社出版部**

漢口路石路東大新坊

電話 九四六〇〇

## 引言

東三省與內外蒙古，位於吾國東北部。北界蘇俄，南鄰日本。沃野千里。農礦產富甲全國。且地廣人稀。氣候溫和。日俄兩國。垂涎已久。特創滿蒙之特殊名稱。並創滿蒙非中國領土之怪論。查日本每年人口剩餘有七十萬之多。且在一九二七，一九二八兩年。內地所產米穀。僅足供消費量百分之五十七八，其餘不足之數。皆由朝鮮，台灣，東三省各地供給。且推測將來內地出產額。尙有低落之傾向。夫人口與食糧問題之不能解決。本爲日本致命之傷。數十年來。其國朝野上下。莫不視吾國東北，爲其侵略之焦點。日俄戰役以還。驅俄勢力於北滿之外。於是眈眈逐於東蒙南滿之間。不數年投資於農礦交通牧畜諸業者。竟達四萬四千餘萬元。其組織之精密。與夫處心積慮之陰險。吾國民對之。早已深感不安。抑且顛倒黑白。淆亂宣傳。使友邦不明真相。誤會日本之在東三省蒙古一帶。若享何種特殊權利者，其影響之大，實足駭人。去年美國記者團。遊歷東亞。自出國之日起。考察遠東各地。均在日人包圍指導之中。夫聽片面之宣傳。而能不被蠱惑者。不可得也。果也。該團回國之時。竟作怪謬之論調。謂中國政府無力統馭滿蒙。須借日俄兩國之力以謀建設。足見宣傳力量。能陷吾國於國際孤立之地位。一九二七年，美國摩爾根銀團。將貸款於南滿鐵路公司。以發展該

略建設。卽其例也。

夫日本爲五大強國之一。其一舉一動。足以牽動世界大局。大戰之後。世界各國。覺悟戰爭之罪惡。深慮將有第二次不幸之事發生。而於遠東糾紛問題尤爲注意。遂有太平洋九國會談之召集。會議結果。吾國對於東三省問題。卽日人所謂滿蒙問題。雖不能得滿意解決。而日本積極行動。亦因之稍戢。雖然。其蠶食之野心。仍如故也。

故當田中義一執政之後。對於東亞。素抱高掌遠蹠之政策。而對於東三省蒙古。野心尤大。昭和二年七月。召集東三省蒙古之官憲於東京。開東方會議。議決所謂「滿蒙積極政策」。於是其野心遂暴露於世界而無餘。其後皇姑屯案起。卒騰笑中外。爲大和民族。增一污點於國際歷史之間。甚矣。帝國主義者之自趨於滅亡也。

夫東三省蒙古。旣爲吾國整個之領土。自不容他國越俎代謀。積極政策之侵害中國主權。積極政策之危害世界和平。積極政策之違背非戰公約。不特吾國人對之痛心疾首。卽世界友邦。亦且深表遺憾也。夫以同文同種之國家。其民族心理中。傷痕日見深刻。不可謂非大不幸之事也。苟今日日本能本其共存共榮之主義。保持東亞和平。促進中日友好。須根本打破侵略之野心。易爲提携友愛之精神。謀兩民族將來之福利。不然。吾國人已倦於積極政策之不

兩立。則將來兩民族間之種種糾紛問題。實有不堪言狀者。今者田中氏已矣。其政策依然存  
在，則桑榆之收也。端賴吾人最後之努力。爰贅數言。以促國人之覺悟焉。

## 田中首相致宮內大臣一本喜德請代奏明積極政策函

昭和二年（按即民國十六年）七月二十五日

內閣總理大臣 田中義一署名

外務大臣 田中義一副名

鐵道大臣 大藏大臣副名

宮內大臣 一本喜德

### 對滿蒙積極政策執奏之件

歐戰而後。我大日本帝國之政治及經濟。皆受莫大不安。推其原因。無不因我對滿蒙之  
特權。及確實之實利。不能發揮所致。因此頗煩陛下聖慮。罪大莫逃。然臣拜受大命之時。  
轉賜對支那及滿蒙之行動須堅保我國權利。以謀進展之機會云云。聖旨所在。臣等無不感泣

之至。然臣自在野時主張對滿蒙積極政策。極力欲使其實現。故爲東方拆開新局面。造就我國新大陸。而期頒布昭和新政。計自六月二十七日至七月七日共十一日間。招集滿蒙關係之文武百官開東方會議。對於滿蒙積極政策已經議定。煩祈執奏。(以下略)

### 奏章

內閣總理大臣田中義一引率羣臣誠惶誠恐謹伏奏我帝國對滿蒙之積極根本政策之件

### 對滿蒙之積極政策

所謂滿蒙者。乃奉天，吉林，黑龍江及內外蒙古是也。廣袤七萬四千方里。人口二千八百萬人。較我日本帝國國土(朝鮮及台灣除外)大逾三倍。其人口止有我國三分之一。不惟地廣人稀。令人羨慕。農礦森林等物之豐。當世無其匹敵。我國因欲開拓其富源。以培養帝國恆久之榮華。特設南滿洲鐵道會社。藉日支共存共榮之美名，而投資於其地之鐵道，海運，鑛山，森林，鋼鐵，農業，畜產等業。達四億四千餘萬元。此誠我國企業中最雄大之組織也。且名雖爲半官半民。其實

權無不操諸政府。若夫付滿鐵公司以外交，警察，及一般之政權。使其發揮帝國主義。形成特殊會社。無異朝鮮統監之第二。即可知我對滿蒙之權利及特益巨且大矣。故歷代內閣之施政於滿蒙者。無不依明治大帝之遺訓。擴展其規模。完成新大陸政策，以保皇祚無窮。國家昌盛。無如歐戰以後。外交內治多有變化。東三省當局亦日就覺醒。起而步我後塵。謀建設其產業之隆盛。有得寸進尺之勢。進展之迅速。實令人驚異。因而我國勢之侵入。遭受莫大影響。惹出數多不利。以致歷代內閣對滿蒙之交涉皆不能成功。益以華盛頓會議成立九國條約。我之滿蒙特權及利益。概被限制。不能自由行動。我國之存立。隨亦感受動搖。此種難關。如不極力打開。則我國之存立既不能堅固。國力自無由發展矣。

矧滿蒙之利源。悉集於北滿地方。我國如無自由進出機會。則滿蒙富源。無由取爲我有。自無待論。即日俄戰爭所得之南滿

利源。亦因九國條約而大受限制。因而我國不能源源而進。支那人民反如洪水流入。每年移往東三省。勢如萬馬奔騰。數約百萬人左右。甚至威迫我滿蒙之既得權。使我國每年剩餘之八十萬民。無處安身。此爲我人口及食料之調節政策計。誠不勝遺憾者也。若再任支那人民

流入滿蒙。不急設法以制之。迄五年後支那人民。必特加增六百萬人以上。斯時也我對滿蒙又增許多困難矣。回憶華盛頓會議九國條約成立以後。我對滿蒙之進出悉被限制。舉國上下輿論譁然。大正先帝陛下密召山縣有朋。及其他重要陸海軍等。妥議對於九國條約之打開策。當時命臣前往歐美密探歐美重要政治家之意見。僉謂成立九國條約。原係美國主動。其附和各國之內意則多贊成我國之勢力增大於滿蒙。以便保護國際之貿易及投資之利益。此乃臣義一親自與英，佛，伊等國首領面商。頗可信彼等對我國之詳意也。獨惜我國乘彼等各國之內諾。正欲發展其計劃而欲破除華盛頓九國條約之時。政友會內閣突然倒壞。致有心無力。不克實現我國之計劃。言念及此。頗爲痛嘆。至臣義一向歐美各國密商發展滿蒙之事。歸經上海。在上海船埠。被支那人用炸彈暗殺未遂。誤傷美國婦人。此乃我皇祖皇宗之神祐。方克義一身不受傷。不啻上天示意於義一。必須獻身皇國爲極東而開新局面。以新與皇國而造新大陸。且東三省爲東亞政治不完全之地。我日人爲欲自保而保他人。必須以鐵與血。方能拔除東亞之難局。然欲以鐵與血主義而保東三省。則第三國之阿美利加。必受支那以夷制夷之煽動而制我。斯時也。我之對美角逐。勢不容辭。更進而言之。以臣義一在上海船埠受支那人爆炸之時。轉傷美人性命。而支那便安然無事。則東亞之將來如非以如此作去。我國運必



無發展之希望。向之日俄戰爭實際即日支之戰。將來欲制支那。必以打倒美國勢力爲先決問題。與日俄戰爭之意。大同小異。惟欲征服支那必先征服滿蒙。如欲征服世界。必先征服支那。倘支那完全可被我國征服。其他如小中亞細亞及印度南洋等。異服之民族必畏我敬我而降於我。使世界知東亞爲我國之東亞。永不敢向我侵犯。此乃明治大帝之遺策。是亦我日本帝國之存立上必要之事也。若夫華盛頓九國條約。純爲貿易商戰之精神。乃英美富國欲以其富力。征服我日本在支之勢力。卽軍備縮少案亦不外英美等國欲限制我國軍力之盛大。使無征服廣大支那領土之軍備能力。而置支那富源於英美富力吸收之下。無一非英美打倒我日本之策略也。願以民政黨等。徒以華盛頓九國條約爲前提。盛唱對支貿易主義。而排斥對支權利主義。皆屬矯角殺牛之陋策。是亦我日本自殺之政策。蓋以貿易主義者。如英國。因有強大之印度及滿洲爲之供給食物及原料。亞美利加。因有南美加那大等可爲伊供給養料及原料之便。則其餘存之力可一意擴張對支那貿易。以增其國富。無如我國之人口日增。從而食料及原料日減。如徒望貿易之發達。終必被雄大資力之英美所打倒。我必終無所得。最可恐怕者則支那民日就醒覺。雖內亂正大之時。其支那民尙能勞勞競爭模仿日貨以自代。因此。願阻我國貿易之進展。加之。我國商品專望支那人爲

顧客。將來支那統一。工業必隨之而發達。歐美商品必然競銷於支那市場。於是我國對支貿易必大受打擊。民政黨所主張之順應九國條約。以貿易主義向滿蒙直進云云者。不啻自殺政策也。考我國之現勢及將來。如欲造成昭和新政。必須以積極的對滿蒙強取權利爲主義。以權利而培養貿易。此不但可制支那工業之發達。亦可避歐勢東漸。策之優。計之善。莫過於此。我對滿蒙之權利如可真實的到我手。則以滿蒙爲根據。以貿易之假面具而風靡支那四百餘洲。再以滿蒙之權利爲司令塔。而攫取全支那之利源。以支那之富源而作征服印度及南洋各島以及中小亞細亞及歐羅巴之用。我大和民族之欲步武於亞細亞大陸者。握執滿蒙利權。乃其第一大關鍵也。況最後之勝利者賴食糧。工業之隆盛者賴原料也。國力之充實者賴廣大之中國土也。我對滿蒙之利權。如以積極政策而擴張之。可以解決種種大國之要素者則勿論矣。而我年年餘剩之七十萬人口。亦可以同時解決矣。欲具昭和新政。欲致我帝國永久之隆盛者。唯有積極的對滿蒙利權主義之一點而已耳。

## 滿蒙非支那領土

茲所謂滿蒙者。依歷史非支那之領土。亦非支那特殊區域。我矢野博士盡力研究支那

史。無不以滿蒙非支那之領土。此事已由帝國大學發表於世界矣。因我矢野博士之研究較我  
正當。故支那學者無反對我帝國大學之立說也。最不幸者。日俄戰爭之時。我  
國宣戰布告明認滿蒙爲支那領土。又華盛頓會議時。九國條約亦認滿蒙爲支那領土。因之外  
交上不得不認支那爲主權。因此二種之失算。致禍我帝國對滿蒙之權益。如以支那之過去而  
論。民國成立雖倡五族共和。對於西藏新疆蒙古滿州等。無不爲特殊區域。又特准王公舊制  
存在。則其滿蒙領土權。確在王公之手。我國此後有機會時。必須闡明其滿蒙領土之真相於  
世界當道。待有機會時。以得寸進尺方法而進入內外蒙。以新其大陸。且內外蒙既沿王公舊  
制。其權明明在王公手中。我如欲進出內外蒙。可以與蒙古王公爲對手。則  
締結利權。便可有裕綽機會。而可增我國力於內外蒙古也。至對於南北滿權。則以  
二十一個條爲基礎。勇往邁進。另添如左之附帶利權。以便保持我既得。可永久實享  
其利。

- 一、三十年商租權期限滿了後。更可自由更新其期限。並確認商工農等業之土地商租權。
- 二、日本人欲入東部內外蒙古居住，往來，及各種商工業等。皆可自由行動及於出入南  
北滿時。支那法律須許其自由。不得非法科稅或檢查。

- 三、在奉天，吉林等十九個鐵及石炭礦權。以及森林採取權獲得之件。
- 四、南滿及東部蒙古之鐵道布設並鐵道借款優先權。
- 五、政治，財政，軍事顧問及教官傭聘等增聘以及傭聘優先權。
- 六、朝鮮民取締之警察駐在權。
- 七、吉長鐵道之管理經營九十九年延長。
- 八、特產物專賣權及輸送歐美貿易之優先權。
- 九、黑龍江礦產全權。
- 十、吉會長大鐵路敷設權。
- 十一、東清鐵路欲向俄國取回時之借款提供特權。
- 十二、安東營口之港權及運輸聯絡權。
- 十三、東三省中央銀行設立合辦權。
- 十四、牧畜權。

### 對內外蒙古之積極政策

滿蒙既為舊王公所有。我國將來之進出必須以舊王公為對手。方可以扶持其勢力。依故

福烏爾東長官之長女。因獻身於皇國起見。以金枝玉葉之質。而爲未開民族之圖什業圖王府之顧問。加之圖什業圖王之妃。乃肅親王之姪女。因此關係。圖什業圖王府與我國頗爲接近。我特以意外之利益及保護而羅致之。在內外蒙古各王府等。無不以誠意對我敬我。現在圖什業圖王府內之我國退伍軍人。共有十九人在矣。而向王府收買土地及羊毛特買權。或鑛權。均被我先取定其特權矣。此外接派多數退伍軍人密入其地。命其常服支那衣服以避奉天政府嫌疑。散在王府管內。實行墾殖牧畜羊毛買收等權。按其他各王府。仍依對圖什業圖王府方法而進入。到處安置我國退伍軍人。以便操縱其舊王公。待我國民移住多數於內外蒙古之時。我土地所有權先用十把一束之賤價而買定之。然後將其可墾爲水田者種植食米。以供我食料不足之用。不能墾爲水田者則盛設牧場。養殖軍馬及牛畜。以充我軍用及食用餘剩之額。製造罐頭運販歐美。其皮毛亦可供我不足之用。待時期一到。則內外蒙古均爲我有。因乘其領土權未甚明顯之時。且支那政府及赤俄尙未注意及此之候。我國預先密伏勢力於其地。如其內外蒙古之土地。多數被我買有之時。斯時也。是蒙古人之蒙古歟。

抑或日本人之蒙古歟？使世人無可辯白。我則藉國力以扶持我主權而實行我積極政策也。我國對於蒙古之施爲。因欲實行如上之政策。按本年起由陸軍祕密費項下。抽出一百萬元以內。急派官佐四百名。化裝爲教師或支那人潛入內外蒙古。與各舊王公密行握手。收東其地之牧畜鑛山等權。爲國家而造成百年大計。

### 朝鮮移民獎勵及保護政策

朝鮮自與我合併以來。雖可一時小康。無如歐戰後。美大總統提出民族自決。以動弱小民族。而朝鮮人心亦爲所煽。其不穩空氣充滿吉林八道。乘滿洲警察之不完全。彼等不逞鮮民遂以滿洲爲策源地。又幸滿蒙到處皆有豐富利源。以安朝鮮移民。因之日移日衆。至今日在東三省之朝鮮民。幾至百萬有奇。如此之現象。爲帝國對滿蒙之利權。不求而可自得。眞可爲國家造成莫大幸福。而帝國對滿蒙之國防上經濟上。添加無數勢力。爲鮮民統治上。顯出莫大曙光。然朝鮮民移住東三省之衆。可爲母國民而開拓滿蒙處女地。以便母國民進取。且亦可藉朝鮮民爲階段。而可與支那民聯絡一切。一面利用有歸化支那國籍之鮮民。盛爲收買滿蒙水田地。而另由各地之信用合作或銀行。或東拓會社。或滿鐵公司。通融彼等有支那籍之朝鮮民以資金而作我經濟侵入之司令塔也。亦可作我食料之增產以救國危。是亦新殖民

地開拓之一機會。彼歸化之朝鮮人民雖爲支那之歸化民。不久仍然歸復爲我國民。與南美加洲之歸化日本人。悉異其旨也。不過只因一時之便宜而歸化爲支那民耳。按在滿蒙之朝鮮人如擴張至二百五十萬人以上者。待有事之秋。則以朝鮮民爲原子而作軍事活動。更藉取締爲名而援助其行動。加之鮮民中之在滿蒙有歸化爲支那民而亦有未歸化者。斯時事到之日。是支那藉之朝鮮民作亂。抑或日本藉之朝鮮民作亂。可以懸羊頭賣狗肉之方策而對付之。然我國雖可利用朝鮮人如此之行動。亦不可不備支那政府之利用朝鮮人制我也。如論滿蒙係支那之政治區域。是亦我國之政治區域。彼東省政府如敢以利用朝鮮人而制我。則我用兵之機會可以急速矣。最可恐懼者唯赤俄耳。惟恐支那方面利用赤俄魔手煽動朝鮮民之時。則我國之思想一變。國難立至。故現內閣對此無以充分警戒以防其未然。加之民國如欲開拓新大陸。對朝鮮民之保護及取締更須嚴重一層。故依三矢之條約。許我通設警察署於北滿各地者。以爲擴張充備警察力。以便懷柔朝鮮民及援助朝鮮之急進。另以東拓及滿鐵附隨其後。助鮮之經濟及金融。他如進入內外蒙之鮮民。其金融可由東拓特別通融。以便藉朝鮮民之力。而開拓內外蒙古及把握其商權也。按朝鮮民之侵入滿蒙。爲帝國之國防上經濟上最有密切關係明矣。此後必須由政府極力助其完成。以期

爲帝國造成新機會。有如我石井之協定。我帝國在滿蒙之特殊地位。既於華盛頓會議時放棄。幸得朝鮮移住日多。現幾及百萬餘人。且放資日大。因此我雖放棄石井協定之特權。亦可藉朝鮮民移住之新問題。而恢復其特權於滿蒙。如有如此之實情。我再恢復其特權。依法理上在國際必無人敢反對我國之行動也。

### 新大陸開拓與滿蒙鐵道

交通者乃國防之母。是戰勝之保險公司。亦是經濟之堡壘也。按支那全國鐵道僅七千二百哩。在滿蒙則有三千里矣。居其全數之四成。按滿蒙土地之廣。產物之巨。雖有鐵道五六千里亦不足其用。加之我國所扶殖之鐵道。多在南滿。而爲富源之北滿尙多未及。殊爲遺憾耳。加之南滿各地。支那民族頗多。其國防上經濟上頗不利於我。然我國如欲開拓其富源及堅固其國防者。必須極力建築北滿鐵道。依其鐵道之開通。可移多數國民於北滿。以便掣肘南滿之政治及經濟。而可強固我國國防以奠定東亞大局。加之南滿鐵道既成之綫路。多以經濟爲目的。致缺循環綫路。頗不利於戰時之動員及軍需之搬運。此後必須以軍事爲目的建設滿蒙大循環綫。而可包圍滿蒙中心



地。以制支那之軍事政治經濟等等發達。亦可防杜俄勢之侵入。此乃我國之新大陸造成上最大必要之關鍵也。加以現在滿蒙之鐵道有二大中心點。一曰東清鐵道。二曰南滿鐵道。其支那之自設鐵道。依吉林省政府之餘裕。不久必能現成一大勢力之鐵道。且合之奉天及黑龍江之財力而論。其支那鐵道之勢力。不久必須駕我南滿鐵道之上。當能現出激烈之競爭。幸其奉天之經濟紊亂。我如不供其救濟。彼確無力可恢復。我則利用此時期勇往邁進達我鐵道目的而後止。且我如用力煽動之。其奉天降價不知其止。奉天政府必成赤俄財政之第二。確可拭目以待。從此彼必無力可開拓滿蒙也。惟有東清之勢力頗難打倒。不幸其所成之路綫與我南滿之路綫。同爲丁字形。如以丁字形而論。雖爲便利。唯軍事上之進行頗爲不便。倘支那新設之鐵道。如欲培養於東清路北。必須與平行爲妙。則用起西而向東。以我南鐵道之中心而論。其新設之支那鐵道。必須使其由北而向南。如以支那自身之利益而論。亦以由北而向南。確有多大便利。因此與我無甚抵觸。幸亦俄勢力日衰。既無力可進出滿蒙。此後支那之鐵道建築。必然須聽從我日本之指揮而無疑。豈料奉天政府。邇來首以軍事的見地。開通打通路及吉海路，然在支那政府雖不曉經濟